

香蘇山館詩集

香蘇山館詩集序

江西爲文士之藪我於吳氏得三人焉一爲南豐進士  
吳子雲衣一爲南城明經吳子照南一爲東鄉吳子子  
山雨吳子皆以博學能詩稱子山尤雄深雅健獨出冠  
時其爲詩上下唐宋凡所謂名家大家無不效焉而於  
李杜韓蘇諸公尤能登其堂而躋其闕年未三十挾其  
行卷游吳越間則皆拱手歛衽莫與抗行及以公車入  
京師士大夫推服亦如之需次補國子監博士而子山  
不欲久溷于人海假歸將益求其所以讀書學道者出  
其香蘇山館詩鈔若干卷屬余序之余惟江西之詩其

先盛于歐陽文忠公公奉昌黎爲師法而蘇文忠公又謂其似李太白則其詩蓋就二家而推廣之厥後黃魯直楊誠齋每以偏師制勝而後人論江西詩不免有低昂軒輊實非通人之論況元之虞楊范揭皆出西江與唐宋之詩若律呂之相生而黼黻之相耀也又豈可輕議乎哉子山才高氣逸其詩若神龍之天矯而不可攬也若天馬之騰踏而不可羈也若鸞鳳之翔于雲表而不能自隱其苞采也又能約其才持其氣充其學問以抒發其性情由是窺李杜韓蘇之奧窾而與歐陽魯直誠齋諸公馳騁於藝苑間何多讓焉子山少孤貧以鬻

氏之酸寒嗟乎蘭雪詩豈類窮者乎况夫省父之年已  
名傑閣將母之日常在高軒汝陽帝子臨極浦以張燈  
祕書外監解金龜而換酒研京練都洛下于焉紙貴微  
雲疎雨省中爲之閣筆宜其空萬馬之野而修五鳳之  
樓矣何盧仝下第屢慙織錦之工長卿入貲徒負題橋  
之志廣文座上歲歲無毡貧女窗前年年壓線或貰酒  
于武負或貸粟于監河嗟乎蘭雪可不謂之窮乎乃其  
窮如此其詩如彼是知楚逢歲晏蘭性不隕其芳魏棄  
夜光玉質詎忘其寶猶憶僕昔官淮海曾集英彥霞初  
星晚花底尊前諸公方慘淡經營吾子惟謔浪笑傲一

篇忽就四座咸驚獨探驪珠餘皆鱗爪蓋當其得志倏  
與神會信由天假不盡人工契將往而必融防未來而  
先制嗟乎蘭雪窮而益工乃至此乎庶幾帶索彈琴希  
榮叟之風泐履高歌擬原生之樂也南城曾煥

吳生老矣今無成不幸乃以詩人名詩人之名世頗重  
所成者小吾何補詩以忠孝作根本義兼風雅賅羣經  
但知因人拾牙慧豈能自我摠精誠我生十九賦

行殿藻麗妄竊東西京還溯江漢觀河洛乾蔭一失天  
晦暝十年埋骨就窀穸千里負米慙躬耕盲風怪雨日  
交集萬鈞一髮身孤撐毀家欲未屢胥吏連枝折又傷  
吾兄保全終始賴先澤積逋寬貸由

朝廷一科潦倒得已晚三釜辛酸誰與營哀哉躁進豈  
初志迺以寸祿希浮榮衰親就養才幾日舊山再出孤  
平生反哺已矣復何望表阡有待安足憑尤官濫廁無

寸補薇省後入先槐廳不能圖治佐

天子不能養望爲公卿不能投筆贊戎幕  
早隨飛將收櫬槍不能腰笏親吏事  
身爲慈父蘇疲氓軍中利鈍卽未悉  
田間疾苦當飫聽會之風謠備時采  
底用孤憤填吾膺九州所涉況大半  
秦岱絕頂嘗三登久尋吳越恣幽賞  
至今魂夢畱餘馨匡廬瀑已觀黃巖  
羅浮洞又探朱明壯遊自古發奇氣  
胸中河岳同崢嶸芒鞋竹杖寄託耳  
候蟲時鳥春秋鳴石谿歸臥壁四立  
山館未藏書一楹進退如此合媿死  
文章何者爲菁英吾師大興

溪先

與青浦

王述庵

謂我詩骨高且清鉛山蔣公萬人

欲釀海爲綠醽安得北斗斟南溟我欲赤手拏鯤鯨狂  
濤萬里連山傾我欲騰身跨鸞鳳十洲三島雲冥冥天  
地間氣不常有才力所限難強爭嗚呼吳生老矣今無  
成千秋妄想如春冰

嘉慶二十三年五月書於贛江舟中東鄉吳嵩梁蘭雪  
氏自記



香蘇山館今體詩鈔卷一

東鄉 吳嵩梁 蘭雪

雨過

雨過讀書臺，儵然絕點埃。階前一蛩語，天末萬鴉回。坐石月初上，彈琴風自來。晚香在衣袖，忽悟藕花開。

二月六日家大人初度奉命入都

粉署承歡日，金門射策年。花香侵壽酒，柳色上吟鞭。報國應須早，辭親亦可憐。遠遊從此始，搔首白雲天。

納涼

納涼每到夜，分回深院無風曲。逕開籬下幽花籬，外月

暗香疎影逼人來

秋聲

濃霜一夜被庭莎  
晚蝶寒蟻奈汝何  
落到窗前紅柿葉  
秋聲不似夜來多

磁州道中同伯兄茗香作

十里垂楊接晚荷  
農歌聽罷又漁歌  
橋南橋北秋陰裏  
老屋臨溪睡鴨多

山陽晚眺

天地蕭森草木黃  
寒山畫堞半斜陽  
燒餘鹿下新樵徑  
雪後鵬盤古戰場  
何處笛聲悲向秀  
昔年琴散絕嵇康

英雄豎子紛紛盡廣武原頭漫激昂

春雨

斜風織雨未成羅剪剪餘寒拂袖過  
沽酒客來雙脚屐  
賣花人去一肩蓑芳園逕滑聽鶯少  
別館簾疎得燕多  
新綠又添南浦怨無邊春草映春波

秋意

秋意蒼涼到畫櫳條條烟穗撲簾空  
梧桐影澹半天雨  
楊柳聲疎一夜風衰草隔籬搖淺碧  
晚花穿逕點深紅  
幽居已自嫌岑寂况倚危闌聽斷鴻

妾命薄

刀剪不辭勞綿絮還多著恐歡身上衣亦如妾命薄

夢中作

芙蓉種滿池秋水渺難渡鴛鴦不避人雙雙自來去

卽景

蘆花白於霜秋高風葉冷返照入寒溪平沙落魚影

聞雁

身與故鄉遠心與故鄉近枕邊一雁過聲入南天盡

秋懷

鐘外殘陽盡樓臺暝色深天青一行雁月白萬家砧半  
菽嗟違養孤桐待賞音鳳城秋漸老惆悵此登臨

秋望

滿院西風咽暮蟬，偶攜幽侶過晴川。  
人耕夕照明邊地，鳥沒平蕪盡處天。  
一抹遠山開畫障，半灣流水入琴絃。  
撫懷未許悲搖落，黃菊青樽在眼前。

寒夜共康二龍山亮鈞小飲

夜色寒逾靜，天光一半開。  
斷烟衝月過，殘雪逐風迴。  
未放王猷棹，聊傾畢卓盃。  
雅懷須盡醉，愛爾玉山頽。

送白君之山海關

北門雄鎮拱

皇居選勝登臨好，駐車積雪曉馳鷹。  
背狗海雲晴湧鹿

頭魚黃榆滿地梁鴻宅白草連天鄒衍廬別後相思何處寄春風認取雁歸書

夢中作

新綠重重樹鶯啼自在春桃花紅作雨愁殺隔簾人

閨怨

鏡裏人如此江南又柳條妾身將化石歡信可同潮

嵇山雜詩

夕陽墮山背餘光猶在頂山風吹行人薄暮酒半醒  
山下有流泉臨流有茅屋爲愛聽泉聲抱琴泉上宿  
空山春雨疎聽雨臥山閣曉起雨初闌山花半開落

道中書懷

羈旅長年懷故國浮名絆我未應還清沙淺水湖干路  
斜日微雲樹杪山黃鵠舉時看橫絕白鷗飛處羨高閒  
一枝借得棲身地茅屋人家早閉關

藏園呈蔣心餘先生

大雅扶持四十年頭顱未雪已歸田竹枝絕唱推才子  
蓮葉中流臥散仙明月一船詩夢裏青山六代壽樽前  
布帆只畫江南好塵海回看浪拍天

先生有歸  
舟安穩圖

垂老南州許閉關梅花萬樹屋三間聽闌暮雪簾初卷  
臥看晴雲鳥共還一代奇才乘運出百年投病得身閒

風人自古多忠愛，莫悔徵車再出山。

秦淮宴集同蔣湘雪

知廉

譚蘭楣

光祥

饒七杉

孔

德曹江廬

岸業

舒白香

夢蘭

作

樓下垂楊拂檉過浴蠶，天氣近清和。六朝春水流簾影，  
三月東風漾酒波。吹徹碧簫明月下，舞迴紅袖落花多。  
殷勤爲寫金荃句，付與雙鬟緩緩歌。

送蔣大湘雪入都

感遇同飄泊，分攜倍愴情。丈夫羞枉道，文字悔知名。洗  
面餘清淚，傷心送去旌。春華猶爛熳，努力副茲行。

南北獨奔走，門閭各老親。貧猶能識我，壯豈不如人。夢



覺難回首途窮暫側身少年爲客久滋味足酸辛

莫抱遺珠恨生平可共論良材終匠用束帛亦

君恩

湘雪同子應  
召試蒙賜宮綺

行卷詩千首旗亭酒一樽暮雲

春樹外目極此黃昏

一葉載離愁離人舟上頭好風吹纜解江水接天流旅  
食非常策京華亦壯遊成名歸及早鄉國正登樓

晚晴

堦前一夜雨枕上十年思中酒眠初覺披衣起未遲乍  
晴添柳色餘潤飽花枝庭院清如水鈎簾自詠詩

九日

忽忽登高會西風帽易斜秋衣寒未質濁酒晚能賒客  
聽南天雁離開北地花蕭條異鄉節官署不如家

次韻蔣芑亭學博食魚有感

河水當秋溢晨餐數薦魚機叉喧小市風雨失新渠  
屋炊將斷官庖膾有餘翱翔隄畔客下箸意何如

秋蟲

蟲語紛紛度薜蘿西堂暮節感蹉跎花前伴我吟紅豆  
機上教誰蹙翠蛾五夜簾櫳燈影暗一秋風露草根多  
閒行是處聞清響拍遍闌干奈汝何

聽到荒叢步屨輕寒裳每自避人行碧莎淺露參差影

黃葉深藏斷續聲  
薛壁驚寒霜欲下  
繩床破夢月微明  
可堪著耳都酸楚  
一寸秋心迸五更

寄答朱省堂明府

賈讓窮三策橫流竟若何  
潰隄驅鼃崩岸壓鼃土  
價金牛貴濤聲鐵騎多  
司空能痛哭早晚奠滄波  
慘澹風沙起黃河  
九月寒鳥巢隨泛梗魚網棄空灘  
露下千夫集霜高一簣難知君正愁絕搔首問狂瀾

南歸酬別龍山

匆匆車馬出南城  
落日蒼煙盡愴情  
良友無多原共命  
故山歸去亦餘生  
天低廣武雲如夢  
風送黃河浪有聲

客舍官齋雨愁絕坐燒銀燭到天明

雨中登黃鶴樓

笛裏梅花鏡裏樓遠山平接大江頭極天風雨招黃鶴  
終古烟波送白鷗供奉不來芳樹老司勳已去暮雲愁  
憑闌滴盡騷人淚漢水無情日夜流

柬從兄懷舟

欲傾懷抱共誰語獨立西風吹帽斜殘照半溪水一尺  
門前欹倒芙蓉花

夜坐呈伯子茗香

愁絕俱無語殘燈黯素帷閉門五千卷流涕兩孤兒骨

肉生猶聚風霜病不支此心真寸折忍補白華詩

寄康二龍山

信到人何處詩成夜已深未封先下淚欲折定傷心出處爭千古年華抵萬金前期不敢說雲海聽升沉

寄民部徐大惕庵

大楷

辛苦築金臺何人是郭隗郎官自奇士門巷只蒼苔大字縑酬匹狂歌酒滿杯關山看直北天遠暮愁來

哭蔣心餘先生

中夜雷聲繞戶飛玉棺遙擁謫仙歸翰林投老身纔用天子知名遇亦稀觥權裁詩千日過板輿迎笑萬花圍

平生大節文章掩醉墨如煙淚滿衣

藏園花放亞枝紅記袖新詩謁鉅公賀監江湖初返擢  
杜陵衰病已成翁青衫一別囊琴碎白馬重來酒盞空  
我與諸郎本兄弟各扶苴杖哭秋風

書心餘先生外集後

夫子竟千古章江不廢流吾儕同一哭風日慘於秋緒  
論闕青史狂歌到白頭誰能跨鯨背汗漫與從游

病馬

頓喪驂驅氣三秋疾病纏草荒馳道雨鵬沒戰場煙仰  
秣誠何用低頭肯自憐背瘡垂暮裂辛苦謝長韉

駑駘幸無恙，顧汝獨哀鳴。汗血全諸將，烟塵念此生。干  
金留駿骨，萬里待橫行。伏櫪心猶壯，風傳戍鼓聲。

書長恨歌傳後

私語憑肩淚欲流，君王妃子苦綢繆。長門一例人如玉，  
自捲珠簾看女牛。

池上共蔣大湘雪夜話

君持團扇我科頭，談罷新詩感舊游。無數水螢飛作陣，  
有時風葉響成秋。三春畫舫紅牙板，十載書燈綠隱樓。  
榮落早憑天付與，藕花何用替人愁。

聞墜蟬

高樹蟬吟急，羈人夢不成。  
因風遷別樹，墮地咽殘聲。  
離別青天闊，門閭白髮生。  
一枝棲未穩，爲汝淚縱橫。

題謝筠岩明府滇行詩草

春暖初乘使者槎，片帆飄忽到天涯。  
騰脂湖上東風峭，吹落僊官仗外花。

嚴裝萬里候人催，新向雲州督餉回。  
馬背尋詩秋色早，碧天如水雁聲來。

旅懷蕭爽付吟箋，纜弔坡僊又謫僊。  
莫怪騷人頭易白，黃州風月夜郎天。

夕陽山下亂流明

筠岩夢中句

佳句飛來夢亦清，春草池塘



同妙悟前身可是謝宣城

落葉

葉聲如雨下空籬腸斷攀條爲阿誰滿地夕陽人去後  
一林霜信雁來時曾禁旅病眠孤館親見飛花別故枝  
今日西風轉蕭瑟紙窗燈暗坐吟詩

題王香南

澧

州倅柑酒聽鶯圖

輕黃手擘洞庭柑百囀枝頭語漸酣不聽鶯聲聽簫管  
箇儂孤負好江南

索句頻分玉板箋更番花鳥送流年才人一劍成飄泊  
紗帽籠頭亦可憐

次韻酬譚五蘭楮

鶴不樊籠馬不羈少年才已擅欽奇  
早將麗句裁雲母會按清歌付雪兒  
紅雨一春簾外水青山六代畫中詩  
縱來酒醞花明地可有風懷似往時

再寄蘭楮

近得梁州信知君行路難  
西風吹短劍何日到長安  
被酒衣仍宛酬詩墨未乾  
遙知今夜雨旅夢亦辛酸

晚桃

欲笑東風敢誤期  
輕紅初上小桃枝  
名園幾日飛花後  
幽澗無人照影時  
爭信孤芳春不管  
自矜絕艷嫁應遲

離離燕麥如相待消得劉郎再賦詩

幽琴

水絃斷絕玉徽寒善手重張調未安自是嵇羊遺韻少  
非關山水賞音難鱗紋雨潤原神物鬢影風輕亦古歡  
何處林深思獨往侯門新曲讓人彈

五月六日次韻送伯子茗香遊武昌

肯同飄泊怕離居萍梗參差願不如蒲酒一盃佳節後  
布帆千尺晚晴初遠遊更下思親淚多難休忘寄弟書  
漢水章城兩愁絕涼雲片片雨疎疎

雨夜懷茗香

已盡離前淚重添病裏愁涼雲侵礪戶急雨下江樓雷  
電三更怒帆檣五月秋夢騎黃鶴去漢水拍天流

東蔣藕船

梁園歸客逐飄蓬臘盡還家夜正中千里落帆江岸黑  
一時驚泪蠟燈紅依人橐筆君應勸送鬼齋糧我益窮  
負米各深霜露感石田無語祝年豐

衝泥強送離亭酒伏枕親裁旅店書病裏飛花看不得  
愁邊零雨聽何如暫分鶴俸心原苦得託鷓鴣計未疎  
爲問橫空河岳氣可能歲晚一華余

百花洲小集

林泉最清曠，觴屐自蕭閒。偶坐竹邊石，遙看湖上山水。  
香紅藕，謝沙暝，白鷗還。神悟誰先得，因之一解顏。  
曲徑轉溪橋，橋邊萬柳條。解衣風更美，回首月相招。中  
夜歌聲出，羣公酒力消。歸遲乘幽興，花影在輕橈。

題湖風放櫂圖同宋澹思

賜珂

進士蔣秋竹

知節

孝廉楊雪峯

學澄

明經朱嶮雪

晚春

李書農

宜

繩兩茂才分賦

好風招我灌城隅，蘭漿輕搖月滿湖。燈火幾家人語靜，  
水雲千頃藕花蘇。過來歌舞休重憶，偷得清閒且自娛。  
行到小橋幽絕處，白鷗吹夢滿菰蘆。

欲迴雙漿更縈紆最好風懷百感無隔岸看山如澹墨  
低頭弄水得明珠宮衣醉著誰搖筆漁網遲收忽舉鱸  
太白子瞻今寂寞不妨歌嘯任吾徒

補題李書農螺墩紀遊圖

幾人倚棹白雲灣水蝶沙鷗一樣閒辭樹亂紅霜後葉  
隔江飛翠雨前山舊游偶爾逢佳節秀句憑誰付小鬟  
惆悵西風吹客散金樽曾照好容顏

遠波搖鏡暮天浮爛熳煙霞筆底收小集隔年如斷夢  
才人何地不驚秋一聲鷓鴣過橫江岸萬點鴉歸滿戍樓  
早晚置身圖畫裏青山莫爲箇儂愁

送盧讓瀾

浙歸武寧

共汝經年住先余數日歸  
白雲隔親舍黃葉上征衣  
負米身何瘦傳經志不違  
到家新釀熟秋色照柴扉

讓瀾阻風未行再來話別燈下索詩

鯉魚風急浪搖天  
獨坐思君正惘然  
忽卸征袍來別館  
重邀新句壓歸船  
紙窗燈暗添情語  
布被霜寒共醉眠  
明日可能還小住  
爲君書遍衍波箋

贈譚閻堂丈

二氏立言雲變滅  
六經行世日輝煌  
觀書獨許先生妙  
論道應從弟子行  
貧到無家存骨氣  
學爲有用謝詞章

蒲輪早晚徵耆宿莫更酣歌效楚狂

酬別吳白庵

相賞有奇士解衣傾素心畫成風雨快詩得性情深團  
扇挑燈寫清樽待月斟莫將知己淚沾灑上離襟  
丁字簾前水曾停載酒橈聽鶯過上巳拾翠訪南朝君  
喚白門渡霜寒紅板橋舊游都可畫爲我染生綃

寄宋澹思進士

聯吟曾記坐苔磯月滿東湖醉不歸仙蝶睡醒花影薄  
暗風吹上越羅衣

懷中詩草百回看脈脈離愁入倚闌欲采芙蓉寄天末



白鷗飛盡暮江寒

石溪看桃花

同蕙風閣  
女士作

幾點社翁雨溪頭花盡開  
午風吹蛺蝶隨我過橋來  
拂袂飄紅粉臨流坐碧苔  
好春畱得住日繞樹千回

次韻附

劉淑

庭院春陰閉湘簾  
晝未開尋詩向何處  
微雨恰歸來  
小榭攜珠釀輕衫  
澗綠苔滿身胡蝶粉  
知是看花回  
南園梨花盛開  
追念昔游惘然賦此

洗粧舊事已天涯  
何處青旗賣酒家  
香雨暖風籬院閉  
一春詩夢在梨花

李松甫

秉禮

郎中過訪永福庵次韻奉酬

憶把藏園酒論心若舊知剩憐萍跡合都及藕香時  
窈夢依秋院花光入小詩蘆漪解招隱不道辦竿遲

人間世院本題詞爲桂林布衣朱小岑

依真作

紗窗如夢晝如年鬢影春風暗自憐不是湘裙能化蝶  
新詩題寄阿誰邊

蝶衣一片粉猶新小字斜行認最真樓裏花枝樓外水  
春愁泥殺隔簾人

杜宇聲聲喚去人爐烟藥裏共酸辛可憐病到腰如束  
猶倚紅粧送暮春

罡風一霎葬花枝  
繡榻聯吟更幾時  
自古傾城非命薄  
誤他顏色是相思

不同彩鳳逐鴉翔  
不住紅鄉與翠鄉  
守定檀奴緣再續  
寸心原有返魂香

仙風半棹引歸程  
畱得花魂伴月明  
一種上元風景別  
紅鸞笑倚話前生

麥飯梨花自愴神  
過來身是現前身  
淚珠滴滿紅心草  
散與人間作好春

因果茫茫共孰論  
鏤冰剪雪妙無痕  
情天合下才人拜  
前有還魂後補魂

題松甫比部蘆漪漁隱圖

向晚湖天碧，漁簖聚幾家。孤篷在秋水，明月上蘆花。倚棹心期遠，臨風鬢影斜。閒鷗久相狎，不記帽籠紗。

墨染一江秋，披圖憶舊游。浦深菱唱發，船近酒香流。風貌閒如此，吟魂澹不收。橫天孤雀去，夢到白蘋洲。

九日尋菊柬落解諸子

此地逢重九，黃花亦未開。嫩苞勒寒雨，秋院閉蒼苔。粉蝶娟娟過幽人，得得來。稍遲香更好，樽酒暫低徊。

十二月二十三日到家

母曰兒歸好，連朝鵲噪頻。還將生日酒，醉汝到家人。是日

母氏初度世業青箱舊門閭白髮新低頭慚負米未敢淚沾巾

次韻酬戴蓮士先生自書香蘇山館圖卷後

薊門經歲隔音書寂寞青衫守敝廬帶草春深堦砌長  
桃花朱名日計斗升儲重來問字頻攜酒過許論詩或起  
予卻笑身閒心轉苦一溪寒雨立春鋤

敢道柴桑托地偏登樓賦又擬秦川風塵滿眼多岐路  
雲海回頭負早年從此讀書知有味欲求歸養已無田  
閉門何日容高臥春在蘇山柘水邊

原唱附

戴衢亨蓮士

獻賦歸來更讀書香蘇嶺畔憶吾廬橫經好足三餘  
用負郭曾無一歲儲令節板輿頻奉母前身飯顆欲  
愁予文章經國他年事記取空山舊耒鋤

薜蘿深處草堂偏圖畫何當匹輞川佳日春秋書萬  
卷名山風雨筆千年詩人應補循咳句生計終輸下  
涇田我媿耕夫能識字結茅擬就白雲邊

九日集北蘭寺餞覃谿先生次韻謝蘊山啟昆太

守兼呈魯山木九皋明府王仁圃謨學博

僕射句中尋往蹟龍沙秋渚自蒼然詩人又集重陽節  
畫意初成暮雨天憑檻葉紅雙袖外過江山翠一樽前

長安只在雲深處風笛聲聲喚別筵

老屋三間半綠苔宋公錢傳

綿津香樹

後先來名香一瓣燒

心字好竹干竿憶手栽吟侶它時摹小像秋堂無地著  
纖埃滿頭黃菊雙襟酒絕勝參軍落帽回

張星海丈屬題顧姬度曲圖

種蕉如人長碧陰生午涼風前珠一串笑領口脂香  
儂撥湘女絃歡拍珠絡鼓恰待轉歌喉桂花落如雨

哭魯厚翁

鴻丈

山陰笛裏淚縱橫差喜遺文刻已成憂患歸來耆舊盡  
一樽絮酒拜先生

幽居

獨領湖山勝幽居愛寂寥門生能載酒漁父或停撈  
地鋪水簾煎茶洗石銚松風吹夢醒亭午亦蕭蕭  
樹裏漾晴湖湖光澹欲無空青涵百越嵐翠接三吳  
葉歸帆小冥冥去鳥孤日斜漁唱起涼意在菰蘆

禪堂

一聽禪堂磬余心亦妙明涼風吹水碧華月傍林生  
雲岫杳無極湖天如此清濛濛衣袖溼露坐到三更

月夜坐湖上

佳月映湖水美人明鏡中碧雲三萬頃橫笛在孤篷吳



岫遠逾澹楚天清更空雪堂今夜酒薄醉與誰同

奉懷覃谿師

過江一棹笛聲催黯黯龍沙暮色來桑落至今猶我醉  
菊花何日爲公開孔陵風雨隨行殿岱嶽雲霞照

御盃聞道東巡勞扈從簪毫應侍翠華迴

蓬鶴軒中鶴唳長靜香齋外桂花香丹鉛夜半親前席  
絲竹春深夢後堂當代憐才推吏部一書流涕奉歐陽  
先生時爲先君立傳玉亭山色珠湖水日暮離愁接混茫

次韻附

翁方綱覃谿

石谿梅信隔年催好趁春風冀北來旅夢直教因我

續苑花全合爲君開想逢羅子深傾恫正憶蘇齋對

舉杯寫得詩家高格出玉淵珠海權船迴

請于酒酣朗誦此詩

兩峯必爲作此幀耳

洞天一宿話深長重借南豐託瓣香舊雨幾人酬昔

抱新詩千里說同堂微言待質胥方半笑語初期日

載陽徙倚嶽雲橫翠裏爲誰高閣伫蒼茫

是日登光岳樓也

芭蕉

手種芭蕉四五株雨餘新翠撲紗廚涼風一霎翻清影

葉葉明珠到地無

夜登仙鶴峯聞鐘

三十六聲鐘秋山一萬重月明都化水雲氣欲沉松羣  
籟此時絕獨游誰與從仙人驂鶴去手把玉芙蓉

題蓮士先生南安詩草後

朔風吹袖淚成斑歸櫂蒼茫夕照間石轉晴雷喧贛水  
花飛古雪下梅關鄉園夢好應頻續

聖主恩深許暫還樞省綸扉資啟沃編詩未合號藏山  
從姑山呈敷星階太守

直上靈峯寺玲瓏梵宇開泉聲玉井落雲氣鐵關來一  
線青天坼雙江白練迴放歌臨絕頂搔首愧仙才

爲張星海丈題顧姬校書小照

翠袖涼猶嫩，湘編晚自開。  
月痕眉際澹，花氣鬢邊來。  
舊曲翻金縷，新篇愛玉臺。  
柳枝但歌舞，枉費樂天才。

碧簫曾喚小紅拈，一串明珠抵百縑。  
歌罷自將新譜校，月波涼透水晶簾。

紗帽涼生載酒餘，可將清夢到匡廬。  
扁舟合並紅粧去，千朵芙蓉伴讀書。  
時星海丈將主講鹿洞

再詣東山講院畱別同學諸子

窈窕文牕面面苔，幔紗無恙待重來。  
敢參匡鼎談經席，翻愧侯芭問字杯。  
一徑秋烟蛩自語，數峯殘照雨初開。  
芙蓉特爲先生放，爛熳風前念手栽。

花薜峯頭日又曛琵琶洲外水沄沄霜前楚樹飄紅葉  
鏡裏吳山浸綠雲雙屐登高誰作賦一燈聽雨記論文  
市湖明日扁舟去鸞鶴年年憶舊羣

山店步月

塵土勞勞百感生林泉偶駐亦心清亂蟲聲裏尋秋去  
一徑松陰散月明

素雲女弟畫杏花雙燕圖贈行同內子蕙風氏作  
社日纔過燕早回濃春著樹錦成堆簪花記奉花前酒  
雙翦捎紅拂袖來

如今憔悴舊烏衣雨細風斜各自飛心事卻傳丹粉外

一園花鳥共春暉

折枝題贈句重酬倦羽差池感昔遊  
十一年來燕市夢  
賣花聲裏臥詩樓

別來應寄大雷書酒醒江船聽笛初  
正是謝庭吟絮日  
暮鴉殘雪太蕭疎

預擬繁枝壓帽偏曲江何日醉瓊筵  
歸來重倩吳綾畫  
十里紅雲到馬前

附錄

劉淑

阿妹拈毫落綵霞阿兄新句稱籠紗  
去時恰似辭巢  
燕歸日應簪及第花

征騎衝寒雪滿衣畫圖長與駐春暉上林見說花如  
海願學紅衿只並飛

槁木齋酬舒白香

芙蓉三尺寒於水每共狂歌破寂寥鄉夢忽辭秋渚樹  
旅愁先赴浙江潮掛帆門外成千里彈淚鐙前話六朝  
誰信此心同槁木哀蛩墜葉聽蕭蕭

香蘇山館今體詩鈔卷一終



香蘇山館今體詩鈔卷二

東鄉 吳嵩梁 蘭雪

釣臺夜泊

不見羊裘客  
千山空月明  
荒亭俯雲壑  
中有浩歌聲  
詩骨本來瘦  
旅懷今更清  
桐江如此碧  
未敢濯塵纓

嚴先生祠

高臥小天下  
漢廷無此才  
蕭然垂釣客  
肯爲故人來  
祠廟千山對  
桐廬一水迴  
功名讓諸將  
辛苦畫雲臺

暮抵富陽

中夕櫂歌起  
滄波接杳冥  
溼雲半帆重  
寒月數峯青

布存真氣江湖感客星  
昨宵巖瀨泊魂夢尙清冷

錢唐官舍喜晤曹三江廬

秋屏閣外一分手江樹江雲夢  
五年冰署相逢殘菊在  
離愁都化酒盃前詩如長慶珠爲字  
官到杭州骨已仙  
早晚湖中公事了好攜琴鶴上租船

爲江廬題柳浦燕遊圖

水鷗紗帽共忘機一片慈雲照綵衣  
櫻筍自能承祿養  
湖山都與媚春暉板輿到處花迎笑  
紈扇歌殘蝶緩飛  
料得傾城諸士女柳陰爭看畫船歸

十頃波光一鏡開全家終日在樓臺  
鷗波可畫宜佳侶

雛鳳能詩亦俊才

謂公子占吉

芳草舊遊思駐馬白華新句

補循咳金沙澗水荷花釀合奉年年介壽杯

題魏太孺人松筠堂詩本

六十年來兩鬢霜寒梅晚菊共淒涼潘輿今日花園坐  
自校塵編淚兩行

湖山如畫駐雲駟囊錦分題約浣青萬片落紅兼蝶紛

新詞傳唱徧西泠

次崔浣青恭人落花韻有片片拆開蝴蝶翅和烟和雨徧江南之句

哭蔣大湘雪

匹馬彈冠去羣公倒屣來自謀毛義養爭惜賈生才客  
鬢中年雪枝官百念灰新篇成撤瑟淒響岳雲迴

一帶黃河水傷心抵玉門

君東去渡河撫楫慨然曰此水亦玉門關也今日遂成讖

語關山未歸骨風雪與招魂歲暮鴻分羽天寒鶴抱孫  
倚闥今望絕雙淚盡黃昏

別曹江廬

湖上梅花千萬枝賞花誰賞未開時谿山本色自佳妙  
舟楫渺然隨所之雲氣遠遮金竹嶺月明同住水仙祠  
離愁一夕如潮滿莫遣玲瓏唱舊詩

同蓮士先生登金山寺塔

一塔淩江出了然身世空登臨餘勝蹟割據幾英雄雨  
雪千帆北雲濤萬馬東畫欄俯吳越都在混茫中

再題杏花雙燕圖後

新枝和露買剛回，供向銀瓶恰半開。  
惆悵故園寒食近，一簾紅雪燕歸來。

聽雨依然臥小樓，一春詩夢澹於秋。  
花開又是分飛日，

說與紅衿也替愁。

是日得蕙風閣詩有不及畫中雙燕  
子花開一度一歸來之句故以奉答

李秋屏民部邀看海棠花下偶成

亭館參差入畫圖，好風如扇雨如酥。  
垂楊影裏疎闌外，腸斷新紅第一株。

午晴破睡頰潮新，一笑能回滿鏡春。  
過水鳳車皆五色，水邊愁殺看花人。

同樂蓮裳遊金舍人寓園

上苑春風盛物華，別開林館避塵沙。  
連朝細雨生春草，一樹晴雲簇杏花。  
芳徑半酣蝴蝶夢，綠波初漲鷺鷥家。  
臨流更與吹橫笛，惆悵亭西日易斜。

次日復遊金園蓮裳不至疊韻奉柬

芳事關心閱歲華，偶然聚散亦搏沙。  
一春衣暈難消酒，昨日歌聲尚繞花。  
流水漂香歸曲磻，暖烟分翠入鄰家。  
疎狂不管東風笑，自拘繁枝壓帽斜。

羅兩峯萬殿卿合寫墨蘭幀子見贈次韻奉酬

一笑知君氣味同，讓他桃柳各青紅。  
焚香自寫靈均照。

不爲閒情畫國風

五月十三日兩峯以竹醉圖見貺并邀賦詩

黃公墟下別千春  
重對檀欒悟化身  
除是麴生風味好  
入林把臂更何人

林影櫛樛石徑紆  
年年幽鳥喚提壺  
倚風一笑頽唐甚  
可要嬋娟翠袖扶

高臥憑誰伴掩關  
此君終日共蕭閒  
晚來雨意扶頭重  
也似詩人倒玉山

詩禪合向畫中參  
醉墨淋漓氣更酣  
今夜酒醒涼月上  
夢騎青鳳到湘潭

寄蓮士先生湖南舟中

一夜吹橫笛梅花滿洞庭  
夢隨仙棹去面面九疑青  
秋水搖旌旆雲山拜使星  
新詩江上好持以問湘靈

贈法梧門學士

夫子金闈彥此心雲共閒  
愛才通性命結夢在湖山  
小榻書同臥幽居草不刪  
袖中佳句滿多半訪花還  
念我吟詩苦逢人說瘦生  
看花聞太息問疾款柴荆  
黃菊開原晚青雲到亦平  
感知雙淚墮端不爲科名

送譚七子受落解歸雲南節署兼寄蘭楣

人與秋俱去馳歌空復情  
書回應萬里酒醉又三更  
滿



地殘楓葉遙天獨雁聲華年宜努力最小是科名  
我與蘭楣別秦淮春暮天一旗沽酒市雙漿載花船王  
祭今爲客劉琨讓著鞭見時須寄語相憶似當年

送劉金門學士督學粵西

壇坵風流要主持賀他羣彥得名師三年玉笋栽成列  
五嶺梅花笑乞詩蠶粥莫忘寒士味文章難答

聖人知旁觀都訝司衡早我見先生下第時

詩龕夜話同梧門學士

松樹街前地數弓蒼苔上砌葉堆紅袖詩來翦寒鐙看  
春在風帘紙帳中

題王蘭泉先生三泖漁莊圖

老屋珠溪畔湖光重更重碧雲流不去三十二芙蓉日  
暮獨歸櫂烟深何處鐘白鷗眠正穩涼月滿吳淞  
畫裏秋如此漁歌入杳冥暗潮通上海寒樹擁華亭收  
釣竿猶溼臨流戶不屬鱸魚今幾尺煮酒憶樵青

官書兼羽檄辛苦事同任秉燭三更淚聽笳萬里心宦  
情秋與澹

天眷老逾深歸夢西風裏年年繞細林

山

昨捧龍門袂心酸點額秋水衡原不爽珊瑚愧同收注  
易雲生榻談詩雪滿頭朝川何日到簑笠辦從游

同作附錄

劉淑

艤棹何人過遠汀  
鏡波面面貼雲萍  
湖頭一夜風兼雨  
吹墮芙蓉九朵青

歌罷采蓮歌采菱  
月明多處下漁罾  
鱸魚尺半酒新熟  
醉倒詩人王右丞

卅載功名兩鬢銀  
歸帆預想泖湖春  
風鷗雪鷺都歡喜  
認得紅衣把釣人

烏帽黃塵道路難  
一蓑笠夢高寒  
儂家夫壻能偕隱  
合與先生理釣竿

述懷寄蓮士先生

玉笋遙知滿絳紗樽前潦倒舊侯芭星迴百越移文枋  
水折三湘送使槎黃菊籬邊愁著雨碧桃天上暖蒸霞  
化工一樣開偏晚慚是先生手種花

受知本在眾人前憂患相依又五年八口感恩都繡佛  
一舟同渡許登仙論文每戒奇成癖得句從教喜欲顛  
自分散才甘濩落蘇門回首倍潸然

便擬飄蓬過此生白頭誰慰倚閭情急須求養歸仍錯  
聽說追逋夢亦驚一局殘棋無好著百年畫餅是虛名  
扁舟真許攜家去合與沙鷗踐舊盟

飛騎前朝入

帝都一函謝表附家書預愁斷梗飄塵海便約談經從  
使車到日春深應載酒何人歲晚更華予隨風便渡珠  
江去翻恨儂身雁不如

送康二龍山落解歸徐州

鏡暗酒無波征袍忍凍過秋天挂牛斗片月冷關河病  
馬心猶壯哀鴻響更多雲龍好山色早晚共酣歌

梧門學士以曹墨琴夫人書洛神十三行易季妹  
素雲所畫秋芳圖并屬賦詩

吾家女弟亦能文少小閨中說左芬閒對鏡花臨粉本  
一枝斑管欲生雲

偶寫秋光上折枝裁紅暈碧總相宜冰綃一卷同芳榭

余與蕙風女士讀書處

題徧蘭兄蕙嫂詩

故園芳信畫圖中認是籬邊最小叢開便畧遲花更好  
不將榮悴問東風

大家墨妙貯奚囊鴻影初驚鶴未翔卻與詩龕添本事  
一叢花換十三行

次韻舒白香樂蓮裳敘別

樹樹皆紅葉飄零奈汝何人隨南雁別淚向北風多病  
骨山同瘦名心井不波此身爲母惜未敢怨蹉跎

霜曉馬蹄乾吟鞭逼歲闌壯懷雙鬢負家累一肩難市

酒強成醉綈袍要忍寒故山兼好友只許畫圖看

元夕同李介夫太史閒步

九陌行歌盡落梅一編閒傍酒邊開青鐙忽放雙花蕊  
恰喜詩人入座來

香塵寶馬舊遊曾惆悵年來賦鏤冰

予近有一種故園冰鐙詩

一種故園

好春色青山都上米家燈

避人行又遇鈿車一徑深深漾月華歸臥小窗殘醉醒  
自燒紅燭看唐花

喜晤譚五蘭楣

一別一萬里相思無日無好詩消歲月羈夢落江湖才

草春心茁東風病骨蘇披衣眞夢寐寒月上紗廚

哲弟能傾蓋

謂子受

因之間起居曾彈花下淚爲拆榜前

書春草停征騎邊雲念倚閭白頭聞更健懽慰待何如

尊甫誨亭先生時撫雲南

花朝日得王鏡夫孝廉曹墨琴夫人詩翰賦此奉

酬

記共簪毫傍

翠華嬉春句好定籠紗東風不道如彈指紅過秦淮十

度花

細雨昏燈奈爾何匆匆春事已無多劍花研地成秋水



重聽王郎被酒歌

傳得新詩壓玉臺  
茶烟影裏誦千回  
烏絲雙畫櫻桃館  
不向西山跨虎來

辦歸無計理征驂  
忍負芳華月二三  
蝴蝶成團鶯對語  
百花生日憶江南

題周希甫舍人放鴨圖

闌前野鴨不成隊  
爛漫池塘嬉午晴  
風柳依依搖溼翠  
水烟拍拍泛春聲  
羽毛出浴更重理  
儔侶相呼如有情  
領取幽禽天趣熟  
忘機真合共先生

鳳池簪筆十餘載  
此境臥遊心亦閒  
未便踏波騎鯉去

且同團飯喚鷗還嫩苔三徑坐侵袂涼月一竿隨掩關  
料理竹弓無用處科頭相對只遙山

褚河南書隨清娛墓誌銘帖爲司馬達夫中翰作  
嬋娟夢斷永徽秋紅袖青山紀俊游長樂亭前碑一片  
斷腸烟月是同州

銀鈎妙蹟浣蒼苔響榻人間費麝煤恰似蘭亭偷展處  
萬花一霎放春來

書王荊亭給諫詩艸後

掃除凡艷出清新妙語拈來總逼真開卷便教惆悵甚

一江纔隔是離人

卷中贈別句也

紈扇爭題絕妙詞似聞傳誦有蛾眉暗蟲鳴咽寒花笑

如此秋光付阿誰

集中秋扇秋蟲  
秋花詩甚工

形骸絕瘦似詩翁病雀年來托興同五字千秋堪下淚

受恩猶要住樊籠

樊籠不是恩  
君詠病雀句

見說奚囊貯六朝英雄兒女總魂銷買舟便合秦淮住

雜志爲君注板橋

君有金陵懷  
古詩百餘首

孟夏二十八日同方均堂觀察出都

記送吳門雪夜槎相逢席帽又京華諸公每下憐才淚  
此別真成落溷花清宦十年僮僕瘦炎風五月道途賒  
驛亭高柳蟬聲暮來共先生薄笨車

登岱同均堂觀察賦

天門直上路千盤浴日亭空海氣寒絕頂煙霞藏漢策  
聖朝松柏恥秦官坐臨北斗三霄近望極中原一掌寬  
脚底萬峯真蟻垤人間猶作翠微看

日觀峯

盃水從天瀉陽鳥浴此中雲沉千島黑潮擁四更紅極  
浦驪珠現層樓蜃氣空扶桑真咫尺吾欲掛長弓

封禪臺

鳥邊難覓路天際更登臺白日當心駐蒼雲壓帽來半  
山雙鳳翥此地

六龍迴亘古

奎文耀賡歌媿上才

泰安使院喜晤閣學翁覃溪先生

師門一別感飄蓬  
車馬何期邂逅同  
海日紅生旌節外  
岱雲青到酒盃中  
隻身負米雙慈母  
當代憐才數鉅公  
慙愧射雕弓力退  
讓誰長句擅山東

先生舊稱梁爲  
詩中射雕手

黃小松

易

司馬屬題秋影庵圖

馬塋舊宅俯清溪  
弱柳閒花覆水低  
君是前身姜白石

洞簫吹罷月平西

庵卽堯  
章故宅

秋庵秋影定蕭疎  
想像題詩恐不如  
好在一林楓柏外

看山臥枕讀殘書

秦碑漢鏡文千卷  
細雨明燈酒一盃  
夢裏尋詩緣未了

岱雲青又接蓬萊

君爲余畫岱雲會合圖蓬萊閣覃溪師所居也

西溪曾喚總宜船  
小築蹉跎憶隔年  
一段秋心須補畫

夕陽紅到亂鴉邊

近欲卜居西溪未就

別楊菴太守

紫蟹黃花綠酒盃  
尋秋舊句滿燕臺  
十年重補題襟集  
一揖眞蓬戴笠來  
笑卻熊羆知定力  
老禁霜雪是奇才  
狂歌尙有凌雲氣  
昨到靈山絕頂回

密雪圖成四百年  
郡齋小聚亦佳緣  
花從絕塞移來少

後圃有香草花  
自西域移種  
月爲離人不肯圓  
客久漸諳騎馬路  
官

清難得買山錢  
向禽有約能終踐  
夢繞雲門月觀邊

過曲阜同顏衡齋廣文謁孔廟孔陵顏廟敬紀

麟紋鍾祥地頻經駐

羽鑿宮牆高萬仞  
禮樂會千官  
今古相終始  
河山此鬱盤  
名材疑手植  
松檜插天寒

車服畱宗器  
恭聞世守虔

國恩公一位  
聖學日中天  
望道吾何晚  
窮經子亦賢  
簞

瓢眞樂在陋巷  
有新泉  
顏廡有井  
井極清甘

江南道中雜詩

路邊好楊柳依依似相識惆悵倦遊人今作江南客  
爲愛看山坐林陰選石苔片雲捲疎雨一霎過山來  
雨中忽斜陽山翠溼於染潺潺溪水流柴門照清淺  
臨水人家欲閉門亂蟬鳴咽近黃昏笠檐蓑袂皆堪畫  
牛笛吹過寄寶村

山風拂袂暗涼生月黑空林更獨行一路野花開似雪  
但聞香氣不知名

雲龍山同少弼尋放鶴亭故址

夕嵐高樹翠模糊並馬尋詩入畫圖芒屨雲銷天子氣  
黃河水遶霸王都名山有約虛精舍長句何人敵大蘇



萬里晴天一片雪明朝別鶴又江湖

題謝生伯芝

學增

仲蘭學崇

花萼圖兼呈尊甫蘊

山觀察卽以錄別

雛鳳如今共長成  
五年前見已關情  
特憐細帙臨風坐  
來聽銀瓶瀉水聲  
把臂便應呼小友  
傳衣敢道卽門生  
仲蘭新受業於子  
掀髯狂煞東坡老  
邁過鬢年已得名

連宵風雨愛論文  
別酒斟時要十分  
一夜心花開作樹  
雙枝玉笋望捎雲  
他年同噉紅綾餅  
此筆曾書白練裙  
旗鼓騷壇甘避舍  
有誰能撼岳家軍

漂母祠

淮水年年長舊痕，靈旗寂寞捲黃昏。  
千金異日寧望報，一飯窮途易感恩。  
不分憐才惟女子，從來乞食有王孫。  
壺漿誰殉蘆中士，吳市簫聲最愴魂。

題嚴厓亭

守田

司馬秋臬試獵圖

騎向秋原試獵回，騰驤誰辨老龍媒。  
使君特賞千金骨，曾到天南破陣來。

草檄歸來競鼓笳，江南好雨更隨車。  
一翎孔雀君恩重，勝着春風得意花。

新傳麗句出蛾眉，種玉量珠遇亦奇。  
如殺香山老居士，桃花叱撥擁楊枝。

又是西風攬轡初江雲江樹兩蕭疎此鞭我讓君先著  
但跨黃牛讀漢書

題曾賓谷運使西溪漁隱圖

屋後青楓樹門前碧玉流溪聲涼入夢山骨瘦於秋待  
月招漁弟看雲臥醉侯君心同浩蕩二十六沙鷗

卜築誰先就溪西地更偏暫將騎雀客來話釣魚船遶

岸花成海披蓑雪滿天草堂春酒熟遲我早梅邊

僕在京師

開余秋室中允說西溪  
梅花極盛卽擬卜居

湖上桂花盛開諸公攜酒往觀

日日名園載酒回清遊須趁好花開黃金昨夜吹成雪

十里天香拂權來

龍腦濃熏透水扉  
鶯黃勻色上生衣  
行雲苦被歌聲壓  
繞遍枝頭不辨飛

脩月何如學鍊砂  
一尊重與酌青華  
三千玉女多情甚  
合爲先生護此花

題徐闓齋芙蓉湖上讀書圖

二泉聲裏掩柴關  
只有漁樵共往還  
當日不知身是畫  
科頭看殺晚晴山

芙蓉愛說湖名好  
想見秋深爛熳開  
夢裏溪雲紅不斷  
花邊二十四鷗來

此境回思味最長，千金難買好滄浪。  
花時誰載看山酒，直到門前下釣航。

瘦策寬鞋舊侶疎，倦遊我亦病相如。  
十年待借樓中榻，

讀徧尙書手校書。

諱君祖健  
庵司寇

題羅价人

允紹

寄暢園尋石圖

漪瀾堂外草如烟，綠到尋春步屨邊。  
小徑重來尋昔夢，梅花瘦似十年前。

莫將傲骨擬嶙峋，此石前生是美人。

介石本名  
美人峯

尋到松

陰先下拜白雲吹，上苦吟身

秋雨連宵夢不成，老梧疎竹盡關情。  
與君便鼓秦園櫂，

來聽花谿過水聲

舟泊金陵有懷

翠蓋臨江駐綵橈布衣曾許獻風謠

殿前一賦吞雲夢花裏何人讀洞簫十載俊游桃葉渡  
孤篷今夜石城橋垂楊更比從前瘦漠漠寒烟帶晚潮

制府書公招飲賦謝

兩江節鉞領諸侯一代風雲擁上游自古金陵資重鎮

極天淮水正安流蒼生涕泣歸慈母

公以吏議去任起官復蒞兩江白

下峯巒拱畫樓聞道頌聲無遠近焚香早徧十三州

怒濤中夜走黃河泥濘親騎匹馬過丞相晚年宣力盡

英雄不及女兒多

採桑織綺總嬌柔  
十六生兒字阿侯  
一例紅粧都早嫁  
人間何地著春愁

鬱金堂裏燕雙棲  
重入盧家路欲迷  
樓上花枝樓下水  
風光占斷石城西

別金陵寄諸同好

白下東風柳萬條  
春愁纔著已魂銷  
早鶯未出儂先去  
孤負江山是六朝

梅塢回看隔暮霞  
一枝苦憶竹邊斜  
帽檐畱得紅多少  
昨日瞻園樹上花

蕭蕭旌旆下昭關  
落日停雲鳥共閒  
卻怪掛帆風太利  
送行忙殺過江山

范文正公祠

奕葉黃扉擅重名  
誰於畫粥念平生  
秀才天下關憂樂  
老子胸中富甲兵  
厚祿千鍾分故里  
奇峯萬笏拜佳城  
麥舟高義今誰匹  
湖海蹉跎石曼卿

梁鴻墓

海曲飄零有逸才  
墓門寂寞但蒼苔  
孤兒炊不因人熱  
高士春曾賃庶來  
百歲齊眉堪共隱  
五噫去國尚餘哀  
墦間有客驕妻妾  
悽斷寒闌水一杯

元遺山詩即貧  
程啓妾食鯉魚尾



不及孟光案  
頭一杯水

滄浪亭

佳句人間七百年至今喬木鎖蒼煙  
重來月白風高夜憶殺葉紅浪綠天  
林臥豈應銷壯節酒盃何至放諸賢  
江山蕭瑟孤亭在只賣當時四萬錢

擬古

柳結合歡帶花飄連理裾  
一心願相照雙坐尙嫌疎  
小別青溪水望沉紅鯉魚  
相思雲鬢亂日午未曾梳

宮詞

未央歌舞夜初闌  
獨捲湘簾坐晚寒  
莫下秋風團扇淚

舊恩如海報應難

孤負

踏歌纔送秣陵舟  
官閣論文恰小留  
六代好山歸昨夢  
一簾微雨畫春愁  
烏篷買醉誰邀笛  
紅袖禁寒正倚樓  
如此風光太孤負  
百花生日在蘇州

得東浦先生花朝日書

船頭揖別太匆匆  
夜雨遙燈黯不紅  
兩岸春山一篙水  
夢隨旌旆到江東

雙鱗如錦赴春潮  
尺素傳來墨未銷  
公正寄書吾載酒  
百花惆悵過花朝

詩名十日徧姑蘇  
覓句瞻園待補圖  
月到樓心花滿地  
此時鶴睡醒來無  
仙雀一隻都睡著  
冷香吹過綠梅花  
予瞻園句公所激賞  
每爲座客誦之  
風流曾賦廣平梅  
一日思公誦百回  
願踐莫愁湖上約  
桃花紅遍擢歌來

香蘇山館今體詩鈔卷二終